

	Materion a Godwyd	Ymateb y Cyngor
1.	<p>Gwasanaeth Arbenigol ac adnabod anghenion</p> <ul style="list-style-type: none"> Roedd croeso cyffredinol i'r egwyddor o alluogi unigolion sy'n derbyn gofal all-sirol ar hyn o bryd i ddod yn ôl i Wynedd. Byddai'n gyfle i unigolion ddychwelyd i'w cymunedau, a byddai o gymorth mawr fod defnyddwyr yn gallu bod yn agos at eu teuluoedd. Roedd cydnabyddiaeth yr un pryd na fyddai hyn yn briodol yn achos pawb. Roedd llawer o'r defnyddwyr all-sirol hyn mewn lleoliadau llwyddiannus, sy'n diwallu anghenion cymhleth, a gallai unrhyw newid cael effaith negyddol arnynt. Byddai cynnig gwasanaeth a darpariaeth arbennig mewn meysydd penodol yn ddatblygiad cadarnhaol. Roedd angen am lefel uchel o sgiliau arbenigol a hyfforddiant arbenigol ar gyfer staff. 	<ul style="list-style-type: none"> Yn dilyn Adroddiad Winterbourne mae Cyngor Gwynedd wedi ymrwymo i flaenoriaethu anghenion llety a chefnogaeth unigolion sy'n byw tu allan i'r Sir. Byddwn yn cydweithio yn agos gyda defnyddwyr gwasanaeth a'u teuluoedd/gofalwyr i asesu eu hanghenion Byddwn yn sicrhau cefnogaeth a chymorth i'r preswylwyr presennol Y Frondeg a darpar denantiaid eraill fydd yn cael eu hadnabod. Byddwn yn gweithio'n agos gyda hwy er mwyn sicrhau bod eu llesiant a'u hanghenion gofal yn cael ei adnabod a'i ddiwallu. Bydd rhaglen hyfforddiant cynhwysfawr yn cael ei drefnu er mwyn sicrhau fod gan y staff y sgiliau hanfodol i gefnogi unigolion gydag anghenion dwys a chymhleth a lle yn briodol i ddatblygu sgiliau arbenigol. Byddwn yn cydweithio yn agos gyda'r gwasanaeth iechyd er mwyn sicrhau mewnbyn aml-ddisgyblaethol.

	<ul style="list-style-type: none"> • Pwysleisiwyd yr angen am ystyried Awtistiaeth ar wahân. Dywedwyd bod angen mwy o wybodaeth am ddarpariaeth arbenigol ar gyfer Awtistiaeth. • Mae'n bwysig cadw mewn cof fod newid i ddefnyddwyr gwasanaeth yn creu ansicrwydd a bod angen sicrhau bod cyd-gynhyrchu datrysiadau yn digwydd. • Roedd angen adnabod y math o anghenion fuasai gan yr unigolion a fydd yn byw yn y datblygiad newydd er mwyn sicrhau gwasanaeth addas ar eu cyfer. 	<ul style="list-style-type: none"> • Byddwn yn sicrhau mewnbyn wrth gynllunio'r Gwasanaeth gan arbenigwyr a mudiadau perthnasol yn y maes Awtistiaeth ynghyd ac arbenigwyr mewn meysydd perthnasol eraill. • Bydd canlyniadau gwaith ymchwil ynghyd a gwybodaeth arbenigol yn y gwahanol feysydd yn allweddol wrth ddylunio'r adeiladau cynllunio'r gwasanaeth a sicrhau hyfforddiant ynglŷn â datblygiadau diweddar ar gyfer y staff. • Bwriedir sefydlu Grŵp Ffocws gyda chynrychiolaeth ddefnyddwyr gwasanaeth, teuluoedd/gofalwyr, mudiadau, staff proffesiynol, gweithwyr cymdeithasol, therapydd galwedigaethol, nyrsys, seicolegwyr er mwyn sicrhau mewnbyn i gynllunio'r datblygiad newydd. • Byddwn yn sicrhau bod cefnogaeth, cyfathrebu a chynllunio gofalus gyda phob darpar ddefnyddiwr gwasanaeth a'u teuluoedd/gofalwyr er mwyn eu cefnogi drwy'r cyfnod newid. • Bydd asesiad o anghenion pob darpar denant er mwyn sicrhau gwasanaeth person canolog sy'n cwrdd â'u hanghenion • Byddwn yn sicrhau bod lles defnyddwyr gwasanaeth yn
--	---	---

		cael blaenoriaeth a'u llais yn cael ei glywed trwy grwpiau ffocws ac eiriolaeth.
2.	<p>Cyfathrebu</p> <ul style="list-style-type: none"> Pwysleisiwyd yr angen am gyfathrebu effeithiol a chlir gyda defnyddwyr gwasanaeth a'u teuluoedd ac am sicrhau darpariaeth Gymraeg. 	<ul style="list-style-type: none"> Bwriedir sefydlu grŵp ffocws gyda'r budd-ddeiliad er mwyn sicrhau cyd-gynhyrchu Byddwn yn sicrhau cyfathrebu effeithiol gyda'r prif fudd-ddeiliaid, a rhoi llais i'r defnyddiwr gwasanaeth ynghyd a chynnig diweddariad rheolaidd o'r grwpiau budd-ddeiliaid. Byddwn yn sicrhau darpariaeth ddwyieithog yn y datblygiad newydd. Bydd gwasanaeth eiriolaeth ar gael er mwyn sicrhau llais y defnyddiwr ac i hwyluso cyfathrebu effeithiol.
3.	<p>Y gwasanaeth presennol</p> <ul style="list-style-type: none"> Roedd canmoliaeth uchel i staff cartref Y Frondeg am ansawdd y gofal y maent wedi'i ddarparu yn y cartref dros y blynyddoedd. Dywedodd defnyddiwr gwasanaeth ei fod yn hapus iawn yn Y Frondeg. Pwysleisiwyd yr angen i breswylwyr y Frondeg allu parhau i fyw gyda'i gilydd. 	<ul style="list-style-type: none"> Y bwriad yw bydd staff Y Frondeg yn trosglwyddo i'r model lletya newydd ac yn cael cynnig hyfforddiant er eu datblygu ymhellach ac i gryfhau'r gwasanaethau a ddarperir. Bydd hyn yn gymorth mawr i'r preswylwyr cyfredol i ddygymod â symud pan fydd y datblygiad newydd yn barod.
4.	<p>Costau</p> <ul style="list-style-type: none"> Roedd rhai'n holi o ble mae'r £3.8 miliwn mewn costau cyfalaf yn dod yn ystod cyfnod ariannol heriol i awdurdodau lleol. 	<ul style="list-style-type: none"> Bydd angen adnabod partner ar gyfer y datblygiad i ariannu'r cynllun a bydd cydweithrediad rhwng y Cyngor a'r partner datblygol i ariannu'r datblygiad

	<ul style="list-style-type: none"> • Wrth holi ynghylch sail i'r costau gofynnwyd a yw'r gost hon yn cynnwys costau dymchwel ac atgyweirio'r safle. • Gofynnwyd hefyd ai ymarferiad mewn arbed costau yw'r cynllun. 	<p>ar y cyd.</p> <ul style="list-style-type: none"> • Amcangyfrif o'r gost ar sail yr wybodaeth gyfredol sy'n cael ei gyflwyno. Bydd costau terfynol yn cael eu paratoi yn dilyn cytuno cynlluniau'r datblygiad a'r lefel gefnogaeth fydd ei angen ar ddefnyddwyr gwasanaeth. • Bydd angen asesu anghenion gofal y darpar denantiaid yn unigol ar gyfer cadarnhau cost eu pecynnau gofal. • Darparu model llety sy'n cyd-fynd a deddfwriaeth ynghyd a pholiſïau ac egwyddorion cenedlaethol a lleol yn y maes anabledd dysgu yw'r prif yrrwr am newid a gynigir. Gall lleihau dibyniaeth ar wasanaethau all-sirol lle yn briodol, gyfrannu at leihau costau darparu gwasanaeth ac felly cryfhau achos busnes i weithredu'r cynllun hwn.
5.	<p>Cynlluniau ar gyfer y dyfodol</p> <ul style="list-style-type: none"> • Gofynnwyd a oes cynllun ar gyfer y datblygiad a pha adnoddau eraill a fydd yn cael eu hadeiladu yno. 	<ul style="list-style-type: none"> • Mae cyfle i gynllunio llety pwrpasol gyda nodweddion arbenigol sy'n uchafu'r cyfle i wneud defnydd o dechnoleg gynorthwyol. • Bwriedir datblygu'r model llety newydd ar yr un safle, fel bod preswylwyr presennol Y Frondeg yn parhau i fyw yn y cartref tra bod y datblygiad newydd yn cael ei adeiladu. • Bwriedir sefydlu Grŵp Ffocws gyda'r budd-ddeiliaid i drafod cynllunio ar gyfer y datblygiad i ddiwallu anghenion

	<ul style="list-style-type: none"> • Awgrymwyd y dylid cael llety ar wahân, un i breswylwyr Y Frondeg a un arall i unigolion ag anghenion cymhleth. • Mynegwyd y farn hefyd fod 16 yn nifer uchel o bobl i fod yn lletya mewn un safle. • Gan groesawu cyfle i ddatblygu eiddo addas, cafwyd awgrymiadau ar sut y dylai'r datblygiad newydd edrych. • Gofynnwyd os oedd modd gwella'r cartref yn hytrach na cau'r cartref. 	<p>defnyddwyr presennol ac i'r dyfodol.</p> <ul style="list-style-type: none"> • Bwriedir ymchwilio ymhellach i fodelau llety gyda chefnogaeth a datblygiadau eraill ar gyfer oedolion ag anabledd dysgu. • Y bwriad yw datblygu model llety Cefnogol yn hytrach nag model preswyl er mwyn sicrhau gwasanaeth sy'n cyd-fynd gyda'r weledigaeth ar gyfer oedolion ag anabledd dysgu. Bydd cyfle i ddatblygu nifer o unedau bychain ar yr un safle gan gynnwys unedau sengl ac unedau rhannu yn ddibynnol ar anghenion, cyfaddaswydd a dymuniad pob dymuniad defnyddiwr gwasanaeth. • Bydd y model yn rhoi cyfle i gynnig preifatrwydd drwy ddatblygu unedau ar wahân. Bydd cyfle i ddatblygu model sy'n hybu annibyniaeth yn ogystal â rhoi cyfle i unigolion gymryd rhan mewn gweithgareddau grŵp a chyfleoedd i gymdeithasu. • Nid yw cartref cofrestredig Y Frondeg yn fodel sy'n cyd-fynd gyda strategaeth ranbarthol a chenedlaethol ac nid yw'n fodel sy'n gynaliadwy ar gyfer y dyfodol. • Bydd cyfle i fudd-ddeiliaid wneud awgrymiadau ar y dyluniad trwy'r grŵp gaiff ei sefydlu.
--	--	---

	<p>Ymgynghoriad</p> <ul style="list-style-type: none"> Roedd pryder ynglŷn ag ansawdd yr ymgynghoriad. Awgrymwyd y dylai fod dau ymgynghoriad ar wahân, un ar gyfer dod â phobl all-sirol yn ôl i Wynedd, ac un arall ar gyfer datblygiad arbenigol i unigolion ag anghenion dwys a chymhleth ar safle Frondeg. 	<ul style="list-style-type: none"> Mae'r 'Adroddiad ar Ganlyniadau Ymgynghoriad ar Ddyfodol Cartref Y Frondeg' (Atodiad 2) yn amlinellu'r broses ymgynghoriad. Bydd problem gyda chwblhau holiadur ar lein rhwng 16 Medi a 22 Medi, oedd tu hwnt i reolaeth y gwasanaeth. Rhoddwyd datganiad ar we-dudalen yr ymgynghoriad ac anfonwyd llythyr at deuluoedd defnyddwyr gwasanaeth Y Frondeg ac fe gysylltwyd gyda staff y cartref i'w hysbysu o'r broblem a'u gwahodd i ail gyflwyno'r holiaduron. Oherwydd hyn, penderfynwyd ymestyn cyfnod yr ymgynghoriad am wythnos ychwanegol. Gall y digwyddiad yma olygu bod rhai ymatebion wedi eu colli. Cynhaliwyd un ymgynghoriad oherwydd bod y ddau fater yn gysylltiedig ag yn ddibynnol ar ei gilydd.